

“ТАСДИҚЛАЙМАН”
Молия вазири ўринбосари –
комиссия раиси


Г. Рахимова

“23” январ 2023 йил

Давлат харидлари соҳасидаги шикоятларни кўриб чиқиш бўйича комиссия
йиғилишининг
БАЁНИ №1

Тошкент шаҳри

2023 йил “23” январ

Раислик қилди:

Молия вазири ўринбосари – Комиссия раиси -
Г. Рахимова

Қатнашдилар:

Давлат харидлари соҳасидаги шикоятларни
кўриб чиқиш бўйича комиссия аъзолари

Таклиф этилганлар:

“Азбоа-уз” МЧЖ вакиллари, Бухоро тумани
ёшлар дафтари жамғармаси вакили,
“O‘zelektroapparat-electroshield” АЖ вакили, “Polaris
Business Group” МЧЖ вакили, “Хоразм ҳудудий
электр тармоқлари” АЖ мутахассислари, “SMEC
internatsional PTY. limited” компанияси вакили,
“4-сон Курилиш дирекцияси” МЧЖ вакиллари

Давлат харидлари соҳасидаги шикоятларни кўриб чиқиш бўйича комиссия
йиғилишининг қворуми – ____ %.

КУН ТАРТИБИ

1. Давлат харидлари соҳасидаги шикоятларни кўриб чиқиш бўйича комиссия
(кейинги ўринларда - Комиссия)га 2022 йил 26 декабрда келиб тушган “Азбоа-уз”
МЧЖнинг мурожаатида кўтарилган масалалар муҳокамаси.

2. Комиссияга 2023 йил 11 январда келиб тушган “Universal mobile systems”
МЧЖнинг 01/0005-к-сон мурожаатида кўтарилган масалалар муҳокамаси.

3. Комиссияга 2022 йил 26 декабрда келиб тушган “O‘zelektroapparat-
electroshield” АЖнинг 574-сон мурожаатида кўтарилган масалалар муҳокамаси.

4. Комиссияга 2022 йил 27 декабрда келиб тушган “Polaris Business Group”
МЧЖнинг 194-сон мурожаатида кўтарилган масалалар муҳокамаси.

5. “SMEC internatsional PTY. limeted” компаниясининг 2023 йил 19 январда келиб тушган SMEC/2023/BD/004-сон мурожаати.

Кун тартибидаги 1-масала юзасидан.

Комиссия раиси ўринбосари С. Назаров сўзга чиқиб, мурожаат муаллифи – “Azboa-uz” МЧЖнинг мурожаатида кўтарилган масалалар билан йиғилиш иштирокчиларини таништирди.

Унга кўра, Бухоро тумани ёшлар дафтари жамғармаси буюртмачилигида “Китоблар етказиб бериш” бўйича 198336-лот рақами асосида ўтказилган энг яхши таклифни танлаш савдоси жараёнида:

комиссия ҳаракатларида рақобат ва холислик тамойилларига риоя этилмаганлиги;

харид комиссияси томонидан кўйилган баллар асосиз равишда пасайтириб кўрсатилганини;

буюртмачи томонидан техник топшириқнинг биринчи шартида кўрсатилган маҳсулотни етказиб бериш муддатини белгилашда баҳолаш мезонлари нотўғри танлангани;

иккинчи шартида кўрсатилган маҳсулотнинг барча параметрлари киритилиши ҳамда олтинчи шартида кўрсатилган таклиф этилган маҳсулотнинг омборда мавжудлиги бўйича “Azboa-uz” МЧЖ томонидан барча маълумотлар тақдим қилингани, лекин харид комиссияси томонидан ушбу шартларга асоссиз паст балл кўйилгани ва бошқа важлар маълум қилинди.

Маълумот учун. Ваколатли орган томонидан 06.01.2023 йилда Бухоро тумани ёшлар дафтари жамғармасига мурожаатда келтирилган масалаларга асосли тушунириш ва маълумотлар тақдим қилиши бўйича мурожаат йўлланган ва жавоб хати олинган.

Ушбу давлат харидлари бўйича шартнома тузилган ва етказиб берилган товарлар учун 100% маблағлар ўтказиб берилган.

Ушбу жавоб хатида, мазкур давлат харидида “Azboa-uz” МЧЖнинг танлов ҳужжатларида иккинчи шарт бўйича мазкур корхонага паст балл кўйилишининг сабаби – етказиб бериш муддати бўйича инсон омилисиз тизим автоматик тарзда ўзи танлаши, техник параметр бўйича бошқа китоб номлари киритилганлиги ҳамда тўлиқ эмаслиги инобатга олинганлиги баён қилинган.

“Давлат харидлари тўғрисида”ги қонуннинг 32-моддасида иштирокчиларнинг товарлар (ишлар, хизматлар) бўйича давлат харидларига тааллуқли бўлган таклифларини баҳолаш мезонларида, нарх, етказиб бериш базиси, етказиб бериш муддатлари, тавсифномалар ва сифат кўрсаткичлари, эксплуатация қилиш (фойдаланиш) муддати, тўлов ва кафолатлар шартлари, муайян даврдаги эксплуатация қилишга, шу жумладан фойдаланиш ва таъмирлашга доир харажатлар, қонунчилик талабларига зид бўлмаган бошқа мезонлар назарда тутилган.

Ушбу Қонуннинг 61-моддасида иштирокчиларнинг барча таклифлари танлаш бўйича харид қилиш ҳужжатларида кўрсатилган мезонлар асосида баҳоланади ва танлаш ўтказиш баённомасида қайд этилади.

“Давлат харидларини амалга ошириш билан боғлиқ тартиб-таомилларни ташкил этиш ва ўтказиш тартиби тўғрисида”ги Низомнинг 96-бандига кўра, танлаш бўйича харид қилиш ҳужжатларида белгиланган шартлардан келиб чиқиб давлат харидларининг электрон тизими автоматик равишда танлаш таклифининг

техник ва нарх қисмларини баҳолашни ҳисобга олган ҳолда энг юқори балл тўплаган иштирокчини (балл усулидан фойдаланганда) ғолиб сифатида аниқлайди.

Бунда, буюртмачи давлат харидларининг электрон тизимига автоматик равишда танлаш таклифини баҳолаш учун харид қилиш ҳужжатларида кўрсатилмаган мезонларни киритган ва бунинг натижасида электрон тизим харид қилиш ҳужжатларида кўрсатилмаган мезонлар асосида баҳолашни амалга оширган.

“Давлат харидлари соҳасидаги шикоятларни кўриб чиқиш тартиби тўғрисида”ги Низомнинг (рўйхат рақами 3013, 14.05.2018 й.) 2-бандида давлат харидлари натижасида тузилган шартномаларда назарда тутилган мажбуриятларни бажариш доирасида келиб чиқадиган низолар ва келишмовчиликларни тартибга солиш масалалари Комиссия томонидан кўриб чиқилмайди ва қонунчилик ҳужжатларида белгиланган тартибда ҳал этилиши лозим.

“Хўжалик юритувчи субъектлар фаолиятининг шартномавий-ҳуқуқий базаси тўғрисида”ги Ўзбекистон Республикаси қонунининг 36-моддасига кўра, хўжалик шартномаларини тузиш, бажариш, ўзгартириш ва бекор қилиш вақтида тарафлар ўртасида келиб чиқадиган низолар, шунингдек етказилган зарарни қоплаш тўғрисидаги низолар қонунчиликда белгиланган тартибда иқтисодий суд томонидан, шартномада назарда тутилган ҳолларда ёки тарафларнинг келишувига биноан – ҳакамлик суди томонидан кўриб чиқилади.

Қун тартибидаги 2-масала юзасидан.

Комиссия раиси ўринбосари С. Назаров сўзга чиқиб, “Universal Mobile Systems” МЧЖнинг мурожаатидаги масалаларни Комиссия аъзолари ва йиғилиш иштирокчиларига таништирди. Жумладан:

харид қилиш тартиб-таомили ўтказилиши натижасида “Universal Mobile Systems” МЧЖ ва “Omad oasis savdo” МЧЖ ўртасида 2019 йил 11 мартда 4 510 000,00 сўмлик 97482-сонли шартнома тузилганлиги ҳамда 165 000,00 сўм закатат маблағи (шартнома қийматининг 3 фоизи миқдориди) Ҳисоб-китоб-клиринг палатасидаги (кейинги ўринларда ҲҚКП) ҳисоб рақамга ўтказилгани;

“Omad oasis savdo” МЧЖ ўз мажбуриятларини бажармагани, хусусан, шартномада кўрсатилган маҳсулот етказиб берилмагани натижасида ҲҚКП томонидан корпоратив буюртмачининг закататига суд ёки Давлат харидлари соҳасидаги шикоятларни кўриб чиқиш бўйича комиссиянинг тегишли қарори қабул қилингунга ёки шартнома бекор қилингунга қадар банд қўйилгани;

“Omad oasis savdo” МЧЖнинг фаолияти тугатилганлиги сабабли Ўзбекистон Республикаси Иқтисодий процессуал кодексининг 110-моддаси 4-бандига асосан иқтисодий иш бўйича иш юритиш тугатилгани тўғрисида Тошкент туманлараро Иқтисодий судининг 2021 йил 20 майда ажрими чиқарганлиги.

Шу сабабли, мазкур шартнома бўйича ҲҚКПдаги ҳисоб рақамга ўтказилган 165 000 сўм закатат маблағини “Universal Mobile Systems” МЧЖнинг банк ҳисоб рақамига (АТ “Алокабанк” бош офиси, МФО: 00401, СТИР: 303020732 Ҳ/Р: 20214000300381984001) қайтаришда амалий ёрдам берилиши сўралган.

Ушбу масала юзасидан тақдим қилинган ҳужжатлар Комиссия аъзолари томонидан батафсил ўрганилди ва таклиф этилган вакиллар томонидан билдирилган фикр ва ахборотлар тингланди.

Кун тартибдаги 3-масала юзасидан.

Комиссия раиси ўринбосари С. Назаров сўзга чиқиб, мурожаат муаллифи – “O‘zelektroapparat-electroshield” АЖ (кейинги ўринларда - UzEA)нинг мурожаатида кўтарилган масалалар билан йиғилиш иштирокчиларини таништирди.

Хусусан, муаллифнинг 1-мурожаати юзасидан:

“Хоразм ҳудудий электр тармоқлари” АЖнинг буюртмачилигида (172043-лот) рақами билан “Ҳазарасп” ЭИЗнинг 2-ҳудуд Хоразм вилояти, Тупроққалъа тумани, Обод маҳалласидаги ЭИЗ ҳудудида 100 кВ Л-Дружба-1 ва Л-30-Х-2 тармоғидан объектгача 1.5 км узунликдаги икки занжирли 110 кВли ҳаво электр энергияси тармоғини ва объектда 110/35/10 кВли 2х25 МВа бўлган икки трансформаторли нимстанция қуриш” учун ўтказилган энг яхши таклифни танлаш савдолари жараёнида:

Мазкур давлат харидида сўралган *license.gov.uz* электрон манзилидаги маълумотларга асосан хавфи юқори бўлган объектларни қуриш ва улардан фойдаланиш фаолиятини амалга ошириш бўйича лицензия мавжудлиги тўғрисидаги маълумотлар мавжуд эмаслиги, ўз балансидаги ёки ижара шартномасига асосан ишларни бажаришда фойдаланиладиган машина ва механизмлар тўғрисида маълумот тақдим қилинмаганлиги дисквалификация қилиш учун асос бўлмаслиги;

баҳолаш мезонлари ўхшаш бўлган хусусан, 500 квадрат метргача бўлган подстанцияларни қуриш бўйича тугалланган ва амалга оширилаётган буюртмалар портфелига эга, шу жумладан рақамли, шунингдек, 35 кВ дан 500 кВгача бўлган ҳаво линиялари ва кабель линиялари, истеъмолчилари стратегик аҳамиятга эга корхоналар, жумладан, НКМК, АГМК “Ўзбекнефтгаз”, “Ўзкимёсаноат”, “Ўзметкомбинат”, ИЕС, АЕС ва бошқа танловларда UzEA АЖ голиб деб аниқлангани;

голиб иштирокчи “Фарғона автомат расчёт” МЧЖ электр жиҳозлари ишлаб чиқарувчи ташкилот эмаслиги ва бошқа важлар маълум қилинди;

Маълумот учун: Молия вазирлиги томонидан 13.01.2023 йилда “Хоразм ҳудудий электр тармоқлари” АЖга ва 23.01.2023 йилда “Тошкент ҳудудий электр тармоқлари” АЖларга мурожаатда келтирилган масалаларга асосли тушунтириш ва маълумотлар тақдим қилиши бўйича мурожаат йўлланган ва жавоб хати олинган.

“Хоразм ҳудудий электр тармоқлари” АЖ томонидан юборилган жавоб хатида:

“UzEA” АЖда *license.gov.uz* электрон манзилидаги маълумотларга асосан хавфи юқори бўлган объектларни қуриш ва улардан фойдаланиш фаолиятини амалга ошириш бўйича лицензия мавжудлиги тўғрисидаги маълумотлар мавжуд эмаслиги, ўз балансидаги ёки ижара шартномасига асосан ишларни бажаришда фойдаланиладиган машина ва механизмлар тўғрисида маълумот тақдим қилинмаганлиги (“Электро-қурилиш-монтаж-тармоқ” МЧЖ билан биргаликда ишларни амалга ошириш бўйича тузилган шартнома ҳамда “Электро-қурилиш-монтаж-тармоқ” МЧЖда мавжуд машина ва механизмлар бўйича паспорт тақдим қилингани;

бирок, тендер ҳужжатларида талабгорлар бошқа хўжалик субъектлари билан бирлашган ҳолда тендерда биргаликда иштирок қилишлари мумкинлиги белгиланмаган), қурилиш-пудрат ташкилотлари электрон рейтингда мавжуд эмаслиги аниқлангани;

Ўзбекистон Республикасининг “Давлат харидлари тўғрисида”ги Қонуни 69-моддаси 2-қисмида “Агар таклиф ушбу Қонуннинг ва тендер бўйича харид қилиш ҳужжатларининг талабларига мувофиқ келса, у тегишли тарзда расмийлаштирилган деб топилади”, 3-қисмида “Агар таклифни киритган тендер иштирокчиси ушбу Қонунда белгиланган талабларга мос келмаса ёки тендер иштирокчисининг таклифи тегишли тарзда расмийлаштирилмаган бўлса, шунингдек тендер бўйича харид қилиш ҳужжатлари талабларига мувофиқ келмаса, харид комиссияси таклифни рад этади”, 9-қисмида “Тендернинг иккинчи босқичи тендернинг биринчи босқичидан ўтган камида икки нафар иштирокчининг таклифлари мавжуд бўлганда ўтказилади” деб белгиланган.

Юқоридагилардан келиб чиқиб, “UzEA” АЖ томонидан юкланган ҳужжатларга комиссия аъзолари томонидан тўғри баҳоланган деб ҳисобланиши маълум қилинган.

Муаллифнинг 2-мурожаати юзасидан:

UzEAнинг Комиссияга юборган навбатдаги мурожаатида “Тошкент ҳудудий электр тармоқлари корхонаси” АЖ томонидан ўтказилган (210573, 210610, 210666, 210833-лот рақамлари орқали) тендер савдоларида харид комиссияси томонидан баҳолаш мезонларига амал қилинмагани, тендер савдоларини ўтказиш жараёнида рақобат ва ҳолислик принципларига риоя этилмаганлиги, қарор қабул қилишда шаффофлик ва беғаразлик тамойилларига амал қилинмагани ва бошқа вазлар келтирилган.

Маълумот учун. Молия вазирлиги томонидан 17.01.2023 йилда “Ҳудудий электр тармоқлари” АЖга мурожаатда келтирилган масалаларга асосли тушунтириш ва маълумотлар тақдим қилиши бўйича мурожаат йўлланган ва жавоб хати олинган.

Унга кўра:

ушбу тендерда фойдаланилган метод - балл методи яъни сифат аниқловчи критериялардан ташкил топган бўлиб, бунда ҳолибини аниқлаш фақат нарх қисмида ҳал этилмаслиги;

тендер таклифининг миқдорий кўрсаткичларини, шу жумладан, нарх қисмини баҳолаш давлат харидларининг электрон тизими томонидан автоматик равишда амалга оширилиши;

тендер бўйича харид қилиш ҳужжатларида белгиланган шартлардан келиб чиқиб давлат харидларининг электрон тизими автоматик равишда тендер таклифининг техник ва нарх қисмларини баҳолашни ҳисобга олган ҳолда энг юқори балл тўплаган иштирокчи (балл усулидан фойдаланганда) ҳолиб деб топилиши ва бошқа маълумотлар келтирилган.

Ишчи орган томонидан ўтказилган ўрганишлар жараёнида “Тошкент ҳудудий электр тармоқлари корхонаси” АЖ томонидан (210573, 210610, 210666, 210833-лот рақамлари орқали) ўтказилган тендер савдолари бўйича айрим камчиликлар мавжудлиги аниқланди.

Жумладан, 210573-сон лот бўйича иштирокчи “Sitan” МЧЖ тендер ҳужжатлари шарти бўйича захира пул маблағлари мавжудлиги тўғрисида банк ҳужжатларини (банкдан маълумотнома бириктирилса 7 бал, бириктирилмаса 0 бал) харид комиссияси томонидан батафсил кўриб чиқилмагани маълум бўлган.

Йиғилиш давомида таклиф этилганлар томонлар вакилларининг билдирилган фикр ва мулоҳазалари Комиссия аъзолари томонидан эшитилди.

Кун тартибдаги 4-масала юзасидан.

Комиссия раиси ўринбосари С. Назаров сўзга чиқиб, “Polaris Business Group” МЧЖнинг мурожаатида кўтарилган масалалар билан йиғилиш қатнашчиларини таништирди.

Хусусан, Фарғона шаҳар Халқ таълими бўлими томонидан 2022 йил 12 декабрдаги 210191 – лот рақами бўйича Фарғона шаҳар ХТБ тасарруфидаги 33-сонли мактаб биносини жорий таъмирлаш ишлари ва 2022 йил 12 декабрдаги 210202 – лот рақами бўйича Фарғона шаҳар ХТБ тасарруфидаги 12-сонли мактаб биносини жорий таъмирлаш ишлари бўйича ўтказилган энг яхши таклифни танлаш савдоларида:

харид комиссияси томонидан ўрганиб чиқилган танлов натижасига кўра, 210191 – лот рақами бўйича электрон баённомада 1 ва 10 - мезонлар, 210202 – лот рақами бўйича баённомада 7 ва 8 – мезонлар юзасидан кўйилган баллар ҳолисона эмаслиги;

харид комиссияси аъзолари томонидан берилган баллар сунъий равишда пасайтириб кўйилганлиги, ушбу электрон харид савдолари танловида буюртмачи талабларига кўра сўралган маълумотлар тўлиқ жойлаштирилган бўлсада балл камайтириб кўйилганлиги;

буюртмачи томонидан мурожаат муаллифи томонидан юборилган шикоятни инобатга олмаган ҳолда ва ушбу шикоят хатига жавоб бермаган ҳолда 2022 йил 23 декабрь кун тузилган муҳокама баённомасида икки иш куни ичида ҳеч қандай эътирозлар тушмаган деб, ғолиб деб топилган ташкилот билан шартнома тузилганлиги ва бошқа вазжлар маълум қилинди.

Маълумот учун. Ваколатли орган томонидан 17.01.2023 йилда Фарғона шаҳар Халқ таълими бўлимига мурожаатда келтирилган масалаларга асосли тушунтириш ва маълумотлар тақдим қилиши бўйича мурожаат йўлланган ва жавоб хати олинган.

Жавоб хатида танлаш савдоларида назарда тутилган ишларни бажариш муддати ва кадр ресурслари бўйича кўрсаткичлар ғолиб бўлган корхона таклифларида “Polaris Business Group” МЧЖнинг таклифларига нисбатан яхшироқ эканлиги маълум қилинган.

Кун тартибдаги 5-масала юзасидан.

Комиссия раиси ўринбосари С. Назаров сўзга чиқиб, “SMEC international PTY. limited” компаниясининг мурожаатида қайд этилган масалаларни Комиссия аъзолари ҳамда йиғилиш иштирокчиларига таништирди.

“4-сон Қурилиш дирекцияси” МЧЖ ҳузуридаги харид комиссия томонидан Пскем ГЭС тўғонини қуриш учун лойиҳани бошқариш бўйича пудратчи хизматини жалб қилиш бўйича 2022 йил 21 октябрда давлат харидлари электрон тизимида (xt-harid.uz) эълон қилинган тендер савдоси натижаларини кўриб чиқиш жараёнида тендер иштирокчилари томонидан тақдим этилган ҳужжатлардаги қўпол қоидабузарликларга эътибор берилмагани, жумладан;

ғолиб иштирокчи томонидан тақдим этилган тендер ҳужжатларининг 3-бандидаги “иш тажрибаси тўғрисидаги маълумот” қисмида буюртмачининг номи ва тендер санаси кўрсатилмагани;

ғолиб иштирокчи томонидан тақдим қилинган маълумотлар тендер талабларига мос келмаслиги ва электрон платформадаги майдонлар тўлиқ тўлдирилмагани;

тендер ҳужжатларига мувофиқ малака талабларида кўрсатилган 1,1 тўғонли камида 300 МВт қувватга эга ГЭС объектлари учун камида битта муваффақиятли бажарилган лойиҳани бошқариш шартномаси рус тилига таржима қилинган хизматлар сертификатлари мавжуд эмаслиги;

- шу каби географик ҳудудларда лойиҳаларни амалга ошириш тажрибасини тасдиқловчи камида битта муваффақиятли тузилган шартноманинг рус тилига таржима қилинган хизматлар сертификатлари мавжуд эмаслиги;

лойиҳани бошқариш бўйича дастурий маҳсулотлар мавжудлигини тасдиқлаш лицензияланган дастурий маҳсулотлар мавжудлигини тасдиқловчи рус тилига таржима қилинган маълумотлар йўқлиги;

амалга оширишни тасдиқловчи ИСО сертификати ёки бошқа тан олинган халқаро сертификатларнинг рус тилига таржима қилинган шакли йўқлиги;

ғолиб иштирокчининг яшаш жойида рўйхатдан ўтганлиги тўғрисидаги ҳужжатнинг нотариал тасдиқланган нусхаси, шунингдек банк реквизитлари (ҳисоб қайдномаси, банк жойлашган жойи) рус тилига таржима қилинмаганлиги;

тендер таклифи тақдимномасининг рус тилидаги версиясида ғолиб иштирокчининг ваколатли вакилининг имзоси ва муҳри йўқлиги ва бошқа важлар маълум қилинган.

Ушбу масала юзасидан тақдим қилинган ҳужжатлар Комиссия аъзолари томонидан батафсил ўрганилди ва таклиф этилган вакиллар томонидан билдирилган фикр ва ахборотлар тўлиқ тингланди.

Юқоридаги масалаларни кўриб чиқиб, Комиссия қарор қилади:

1. Кун тартибидаги 1-масала юзасидан.

Давлат буюртмачисига харид ҳужжатларига мувофиқ таклифларни баҳолаш талабларини бузиш амалдаги қонунчиликка кўра маъмурий жавобгарликни келтириб чиқариши тушунтирилсин.

Мурожаатчига мазкур давлат хариди бўйича шартнома ижро қилиб бўлинганлиги ва комиссия шартномавий муносабатларни кўриб чиқиш ваколатига эга эмаслиги сабаб, буюртмачининг мазкур давлат харидлари юзасидан ҳаракатлари устидан суд тартибида шикоят қилиш ҳуқуқи тушунтирилсин.

2. Кун тартибидаги 2-масала юзасидан.

“Махсус ахборот портали операторининг давлат харидларини ташкил этиш ҳамда ўтказиш борасидаги фаолияти тўғрисида”ги Низом (21.05.2018 й. *рўйхат рақами 3013*)нинг 53-бандига мувофиқ, ХККП суднинг қонуний кучга кирган қарори ёки давлат харидлари соҳасидаги шикоятларни кўриб чиқиш бўйича комиссия қарори асосида закалатни банддан ечишни ва/ёки тегишли ҳисоб рақамга ўтказишни амалга ошириши белгиланган.

Шунга асосан, давлат харидлари электрон тизими оператори томонидан 2019 йил 11 мартдаги 97482-сон шартнома бўйича киритилган 165 000 сўм закалат маблағни банддан ечиш ҳамда закалат маблағини “Universal Mobile Systems” МЧЖнинг ҳисоб рақамига (АТ “Алокабанк” бош офиси, МФО: 00401, СТИР: 303020732 ХР: 20214000300381984001) ўтказиш вазифаси юклатилсин.

3. Кун тартибидаги 3-масала юзасидан.

Муаллифнинг 1-мурожаати юзасидан

“Хоразм ҳудудий электр тармоклари” АЖнинг буюртмачилигида (172043-лот) рақами билан ўтказилган давлат хариди юзасидан “O‘zelektroapparat-electroshield” АЖнинг мурожаатида келтирилган важларда мазкур давлат харидини бекор қилиш тўғрисида қарор қабул қилиш учун етарли асослар мавжуд бўлмаганлиги сабаб шикоятни қаноатлантириш рад этилсин.

Мурожаатчига давлат буюртмачисининг ҳаракатлари (ҳаракатсизлиги) устидан суд тартибида шикоят қилиш ҳукуқи тушунтирилсин.

Муаллифнинг 2-мурожаати бўйича:

Давлат буюртмачисига харид комиссиясининг мазкур тендер натижаларини баҳолаш натижаларини қайта ўрганиб чиқиб, тендер ғолиби билан шартнома тузиш юзасидан тегишли қарор қилиши зарурлиги маълум қилинсин.

Шу билан бирга, Ўзбекистон Республикаси “Давлат харидлари тўғрисида”ги Қонуни 81-моддасига мувофиқ, давлат харидлари тўғрисидаги қонунчиликни бузганликда айбдор шахслар белгиланган тартибда жавобгар бўлиши тушунтирилсин.

Мурожаатчига давлат буюртмачисининг ҳаракатлари (ҳаракатсизлиги) устидан суд тартибида шикоят қилиш ҳукуқи тушунтирилсин.

4. Кун тартибидаги 4-масала юзасидан.

Мурожаат муаллифи - “Polaris Business Group” МЧЖнинг мурожаатида келтирилган важларда мурожаатда қайд этилган давлат харидини бекор қилиш тўғрисида қарор қабул қилиш учун етарли асослар мавжуд бўлмаганлиги сабабли шикоятни қаноатлантириш рад этилсин.

Давлат буюртмачисига давлат харидлари билан боғлиқ ҳаракатларни амалга оширишда Давлат харидлари тўғрисидаги қонунчиликка қатъий риоя қилиш лозимлиги тушунтирилсин.

Мурожаатчига давлат буюртмачисининг ҳаракатлари (ҳаракатсизлиги) устидан суд тартибида шикоят қилиш ҳукуқи тушунтирилсин.

5. Кун тартибидаги 5-масала юзасидан.

“SMEC internatsional PTY. limeted” компаниясининг мурожаатида келтирилган эътирозлари юзасидан “Ўзбекгидроэнерго” АЖнинг “4-сон Қурилиш дирекцияси” МЧЖга ишчи орган томонидан мурожаат хатлари йўллансин.

Мазкур харид қилиш тартиб-таомилини ўн иш кунигача бўлган умумий муддатга тўхтатиб турилсин ва мурожаат юзасидан якуний хулоса қабул қилиш Комиссиянинг навбатдаги йиғилишига қолдирилсин ва шунга асосан якуний қарор қабул қилинсин.

Комиссия аъзолари:

С. Назаров



Т. Яркулов



Ф. Рахманов



Б. Аллаберганов



Р. Махкамов



М. Камиллов



Т. Холиқов



Б. Ибодуллаев



Д. Милиев



Н. Икрамов



Ж. Номозов



А. Убайдуллаев

